



Broj: 01-11-2-4550/25-8
Konjic, 22.12.2025. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH" broj: 39/14, 59/22 i 50/24), Preporuke komisije broj: 10-11-2-4550/25-6 od 22.12.2025. godine, u postupku javne nabavke "GRAĐEVINSKI RADOVI ZA UGRADNJU PODZEMNIH KONTEJNERA", a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik donosi

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 10-11-2-4550/25-6 od 13.06.2025. godine i ugovor za javnu nabavku radova „*GRAĐEVINSKI RADOVI ZA UGRADNJU PODZEMNIH KONTEJNERA*” **dodjeljuje se ponuđaču „GPI“ d.o.o Konjic**, Trešanica br. 61, 88400 Konjic, II-2042.12/25 od 09.12.2025. godine, za ponudenu cijenu, a nakon održane e-aukcije, u iznosu od 59.438,18 KM bez PDV-a, odnosno 69.542,67 KM sa PDV-om, kao najpovoljnijem ponuđaču.

Član 2.

Izabrani ponuđač je dužan dostaviti ovjerene kopije dokaza o kvalifikovanosti u vezi sa tačkom 12. tenderske dokumentacije (*Lična sposobnost*), u roku od 5 dana od dana zaprimanja Odluke o izboru najpovoljnijeg ponuđača.

Član 3.

Za izvršenje ove Odluke zadužuje se Služba za zajedničke, stručne i inspekcijske poslove.

Član 4.

Ova odluka objaviće se na web – stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 01-11-2-4550/25-1 od 14.11.2025. godine.

Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a je 62.600,00 KM.

Gradonačelnik je Odlukom o imenovanju komisije broj: 01-11-2-4550/25-2 od 17.11.2025. godine, imenovao Komisiju za javnu nabavku i zamjenske članove za nabavku predmetnih radova.

Na osnovu obavještenja o nabavci broj: 637-7-3-132-3-143/25 objavljenog na Portalu javnih nabavki dana 14.11.2025. godine i tenderske dokumentacije, putem konkurentskog zahtjeva, izvršeno je prikupljanje, analiza i ocjena podnesenih ponuda.

Javno otvaranje ponuda izvršeno je 09.12.2025. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-4550/25-4.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: 2 (dvije);
- Pristigle su ponude sljedećih ponuđača:

- 1) „GPI“ d.o.o Konjic, Trešanica br. 61, 88400 Konjic;
- 2) „PROKON“ d.o.o Konjic, Trg Državnosti Alije Izetbegovića br. 30, 88400 Konjic;

- da su blagovremeno zaprimljene ponuda,
- da je broj neblagovremeno zaprimljenih ponuda: 0 (nula),
- da su ponude oba ponuđača, prihvatljive, dostavljeni su svi traženi dokumenti u skladu sa zahtjevima iz tenderske dokumentacije,

Nakon izvršene analize i ocjene ponuda kvalifikovanih ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 22. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	„GPI“ d.o.o Konjic	59.438,18
2.	„PROKON“ d.o.o Konjic	62.009,25

Komisija je zakazala e-aukciju za dan 22.12.2025. godine u 09:00 sati, te istu provela u skladu sa uslovima iz tenderske dokumentacije kojom je predviđeno održavanje e-Aukcije i Pravilnikom o uslovima i načinu korištenja e-Aukcije („Službeni glasnik BiH“, broj: 80/23). E-Aukcija je provedena putem sistema e-Nabavke na web stranici www.ejn.gov.ba.

Po okončanju e-Aukcija, koja je trajala od 09:00 do 09:10 sati (Izveštaj o toku i završetku e-Aukcije u prilogu), Komisija daje tabelarni pregled prihvatljivih ponuda ponuđača kako slijedi:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	„GPI“ d.o.o Konjic	59.438,18 KM
2.	„PROKON“ d.o.o Konjic	62.009,25 KM

Na osnovu provedene procedure javne nabavke i ocjene kvalifikovanih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač „GPI“ d.o.o Konjic, na osnovu čega je jednoglasno dala Preporuku rukovodiocu ugovornog organa broj: 10-11-2-4550/25-6 od 22.12.2025. godine, da se ugovor za javnu nabavku radova „*GRAĐEVINSKI RADOVI ZA UGRADNJU PODZEMNIH KONTEJNERA*“ dodijeli ponuđaču „GPI“ d.o.o Konjic, za ponuđenu cijenu, ostvarenu nakon održane e-aukcije, u iznosu od 59.438,18 KM bez PDV-a.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača i pregled i ocjenu ponuda, u skladu sa kriterijima iz Tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, u postupku je ocijenjeno da je Komisija u svemu pravilno postupila, i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od pet (5) dana, od dana prijema ove odluke.

Žalba se izjavljuje Kancelariji za razmatranje žalbi putem ugovornog organa – Grada Konjica.

Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku.

Pripremio: *Semir Hajduk*

Kontrolisao: *Nedžad Ramić*



GRADONAČELNIK

Osman Čatić

Dostaviti:

1. Gradonačelniku,
2. Ponuđačima x 2,
3. Službi za prostorno uređenje, građenje, zaštitu okoline i komunalne poslove,
4. Službi za ekonomsko-finansijske i pravne poslove,
5. Službi za zajedničke, stručne i inspeksijske poslove (*WEB Grada*),
6. A/a.

